



An Bhruiséil, 17 Meitheamh 2025  
(OR. en)

---

---

Comhad Idirinstitiúideach:  
2023/0234 (COD)

---

---

10095/25  
ADD 1

CODEC 779  
ENV 503  
COMPET 511  
SAN 320  
MI 371  
IND 183  
CONSOM 103  
ENT 96  
FOOD 48  
AGRI 270

#### NÓTA MAIDIR LE MÍR "I/A"

---

ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Dréacht-TREOIR Ó PHARLAIMINT NA hEORPA AGUS ÓN gCOMHAIRLE lena leasaítear Treoir 2008/98/CE maidir le dramhaíl ( <b>an chéad léamh</b> ) – Glacadh an tseasaimh ón gComhairle ar an gcéad léamh agus an ráitis ar chúiseanna na Comhairle = Ráitis

---

#### Ráiteas ón Liotuáin

Tacaíonn an Liotuáin leis an athbhreithniú spriocdhírthe ar an Treoir Réime Dramhaíola, agus aithníonn sí a thábhachtaí atá sí chun aghaidh a thabhairt ar bhainistiú an mhéid teicstíle agus bia a chuirtear amú ar fud an Aontais. Creidimid, áfach, nach dtugtar aghaidh go leordhóthanach sa téacs comhréitigh atá ann faoi láthair ar na dúshláin atá os comhair na mBallstát a bhfuil líon ard teicstíle athlámhe ag teacht isteach chucu.

Sa Liotuáin, is iad teicstílí athláimhe 29 % den tomhaltas teicstíle iomlán – i bhfad níos airde ná meánráta 7.6 % an Aontais. Trí oibreoirí athúsáide a eisiáimh ón gcóras um fhreagracht leathnaithe táirgeora, déantar neamhaird de na réaltachtaí a bhaineann le teicstílí athláimhe a bhainistiú. Gan ranníocaíochtaí ó oibreoirí athúsáide tráchtála, déantar an fhreagracht airgeadais as bainistiú dramhaíola a dháileadh go míchothrom i measc táirgeoirí a chuireann teicstílí nua ar an margadh. Cruthaíonn sé sin éagothroime agus cuireann sé bac ar chumas tíortha a bhfuil margaí teicstíle athláimhe suntasacha acu bainistiú dramhaíola cuí a chistiú.

Cé gur díol sásaimh dúinn clásal athbhreithniúcháin a bheith curtha isteach, ní sholáthraítear réitigh láithreacha leis sin amháin. Tá gá le níos mó solúbthachta chun go mbeidh na Ballstáit a bhfuil na dúshlán sin rompu in ann oibreoirí athúsáide tráchtála a áireamh ina gcórais freagrachta leathnaithe táirgeora, lena n-áiríteofar dáileadh níos cothroime costas agus tacaíocht do bhainistiú éifeachtach dramhaíola teicstíle.

Tá an Liotuáin tiomanta i gcónaí d'inhuanaitheacht an bhainistithe i dtaca leis an méid teicstíle a chuirtear amú a fheabhsú agus molann sí go ndéanfaí tuilleadh machnaimh ar na himthosca uathúla atá os comhair tíortha a bhfuil cuid mhór teicstílí athláimhe acu.

**Ráiteas ón mBulgáir, ón tSeicia, ón nGearmáin, ón Spáinn, ón bhFrainc, ón gCróit, ón gCipir, ón Ungáir, ón Ísiltír, ón Ostair, ón Rómáin, ón tSlóvaic, ón tSualainn**

Léirítear go soiléir in Aithris 47 gur gá maoirseacht agus faireachán a dhéanamh agus a áirithiú go bhfuil an fhaisnéis a fhaigheann ardáin ar líne ó thrádálaithe cruinn, iomlán, cothrom le dáta agus ar fáil, ní hamháin i ndáil leis na hoibleagáidí faoi Rialachán (AE) 2022/2065 (an Gníomh um Sheirbhísí Digiteacha) ach freisin i ndáil leis na hoibleagáidí maidir le freagracht leathnaithe táirgeora faoi Threoir 2008/98/CE (an Treoir Réime Dramhaíola). Le Rialachán (AE) 2022/2065, ní chuirtear srian ar na Ballstáit agus iad ag áirithiú go gcomhlíontar na hoibleagáidí maidir le freagracht leathnaithe táirgeora faoi Threoir 2008/98/CE, ós rud é go dtacaíonn Rialachán (AE) 2022/2065 le cur i bhfeidhm agus comhlíonadh Threoir 2008/98/CE. Faoi choinníollacha áirithe, féadfar soláthraithe ardán ar líne a chur faoi dhliteanas mura gcomhlíonann siad a n-oibleagáidí sonracha, go háirithe faoi Rialachán (AE) 2022/2065 agus Treoir 2008/98/CE. Feidhmeoidh na Ballstáit a gcumhachtaí faireacháin faoi seach i gcomhréir iomlán le Rialachán (AE) 2022/2065 agus Treoir 2008/98/CE chun comhlíontacht soláthraithe ardán ar líne a áirithiú. Chun comhlíonadh a áirithiú, ní mór do sholáthraí an ardáin ar líne fianaise leordhóthanach a chur ar fáil sula gceadaítear do tháirgeoirí na seirbhísí a úsáid. Go háirithe, baineann sé sin le clárú a fhíorú agus a chinntiú.

Agus muid ar an eolas faoin margadh ríomhthráchtála atá ag dul i méid agus faoi na hiarmhairtí a bhaineann leis, mar a leagtar amach sa Teachtaireacht ón gCoimisiún Eorpach dar teideal ‘*Bosca uirlisí cuimsitheach de chuid an Aontais don ríomhthráchtáil shábháilte inbhuanaithe*’<sup>1</sup>, táimid ag brath ar thacaíocht ón gCoimisiún Eorpach chun dul i ngleic leis an dúshlán tábhachtach sin. Ní mór don Treoir Réime Dramhaíola, a ndéanfar athbhreithniú uirthi sa Ghníomh um an nGeilleagar Ciorclach, cothrom iomaíochta agus cosaint leanúnach an chomhshaoil a áirithiú. Tacaímid le hoibleagáid níos sonraí a áireamh sa Treoir Réime Dramhaíola chun a áirithiú go gcomhlíonfaidh ardáin ar líne a n-oibleagáidí faoi gach córas freagrachta leathnaithe táirgeora.

---

---

<sup>1</sup> 6047/25 - COM(2025) 37 final.